

Suluu niŋ saŋ la taa kuliwooto

Taaliŋ laala, mu karafandiŋ sonko leli.

A safee la mú Idrissa Kamara ti.

I ko kulibaa le sotota, suluu niŋ ko, ibe taala a kuliwooto.

Suluu taata Saŋ fée, a kaye ndoo Saŋ ŋa taa kuliwooto, Saŋ kayéko, iko ŋa ta kuliwooto a duŋ koto suluu i la kuu maŋdinyaa. Ibé taakaŋ suluu ko Saŋ yé: mbé muné sambala jansooti? A faŋoo naata fo ko, ibé nonoo lé sambala, Saŋ kaye dii fo siŋa fula, Suluu ko haa! Saŋ kaye, bissimilaaye, ye nonoo soodi batoo kono ka afandi teppu, wo kéta tiaa-ŋaati.

Futata suukeno ŋaamerŋ, Suluu ko Saŋ ye yaa loŋ? ŋa nonoo bée miŋ. Ka domandi kúfa ŋdaakono, ka buubaa fandi batoolu kono, ka nonoo dumandi yuri yuri batoo daakaŋ. Saŋ kaye, mbe wolé ké la. Suluu ye a la batoo loo a daa lata taa ka ala nonoo bee miŋ ya laŋ ŋaa meŋ al kúú buka kaaŋaŋ, a ye domondiŋo muŋ kufa a daa kono, a ye wó lé yuri yuri batoo daakaŋ. Saŋ késériŋ ate a soota kéno kono a ye fitoo taa ka buwoo ké a kaŋ a la nono batoo bé fááriŋ a maŋ feŋ miŋ fée.

Saaniŋ ye siloo muta ka saate waliŋ biriŋ ibe naa futala, suukono moolu ye jé iko: luntarjoolu naata! Lunta joolu naata! Lunta joolu naata! Yé benduŋ, musu kebaalu niŋ sunkutoolu ye ŋo fufú batoolu la, musu kebaalu ko. Sunkutoolu ye ko; kebaalu le ŋaŋta bata waramaalu taala sunkutoolu domandi joolutaa sunkutoolu ko: Haniŋ itotolu lebe wara maalu taala. Nata suluulabato di kebaalula, sunkutoolu ye saŋ taa muta wo koola, kebaalu nata Suluu labato yelema: Solo lolo! Putuputu! A bée kéla buwooti.

Sunkutoolu ye saŋ na bato yéléma: saratata! A bée nono jii kenseŋ ye suluu a la batoo la. Saŋ ko Suluu ye.

— Ŋa foye lee; a fele yeŋ a nfa ma loo la wo koola, i naata buŋo diila, daasamo koola, iko ibe tala, iko yé, a lii laa fo sama, yebaso di suluu, ka kuloo di saŋ na. Biriŋ yé láá, Sulúú ko saŋ ye.

— Ŋa laa dula falii, ye baso taa, ŋa kuloo ta, baoo ka nko soole saŋ kaye: ila kuu maŋ diyaa, ni ŋa na kúloo dila yee i laa kaŋ ye naa a ŋumi sama ye ŋmalundi ndiaatiŋool ye.

Suluu kaye:

— Walaahi ndo saŋ nte wo ke la. Nte se imalundi faŋ? Dukaré nte wo kéla, i nata laa dulaalu Falii.

Ibe laariŋ diboo kono, Suluu ye kuloo muta ka a faré, saŋ kaye: Koto Suluu ibé kuloo ŋimila, a ko saŋ ye: niŋ ŋiankumandiŋ fénédiŋ le ka mbatandiŋ jaŋ, ibé wandi kuloo bée ŋinila mbulu.

Saŋ kaye:

— Biituŋ a banta lee. A meeta Suluu ye kuloo fora kotetŋ.

Saŋ kaye:

— A duŋ ibe maloo sambala naŋ kaŋ ayé saŋara wo kaŋ. Saŋ ya tú fée aye wo kuloo taa ka a bée ŋimi.

Fonoo kéto iko yé:

— A laalu la fora joolu bondinaŋ. Saŋ yé a la basoo funtandinaŋ.

Iko Saŋ ye:

— Maŋ basoo diila nuŋ, ŋa kuloo lé diila nuŋ.

Saŋ ko yeŋ:

— Na keeba Suluu be laariŋ a ko basoo ka a soolé ŋa kuloo diyaala. Yé suluu ŋininkaa kuloola.

Suluu ko:

— Kuloo ŋlaa kaŋne bari, ŋankumoolu ye bée ŋimi, i kaayerŋ.

— Ite faŋoo leye kuloo ŋimi a ko hani! I ko Saa ŋiŋ ali làà ni loloo jolonta miŋ konokaŋ, ŋsààleŋ ko, wole ye kuloo ŋimi. ibéé ilàà ŋamerŋ, loloo boy ta piŋ Suluu kono kaŋ, Suluu ya taa ka làà saŋ kono kaŋ, ye ŋoo saba.

A meeta, Suluu naata fo ko:

— Ñiŋ kúmaŋ maŋ koy, nŋa baŋ jaŋ, mbe muŋ kēla mŋa wo loŋ nee.

Itaata niisu júlúbaa bula baa kaŋ na ye baa juloo bula niisoo kaŋ na yee i dundi bàà buŋoo kono, ka dàà tawuŋ. I ko sunkutoolu niŋ musu Keebaalu ye; al naa luntanoolu là bu ñaa félé. Suluu niŋ saŋ naata saŋ sapita julúbaa kaŋ daameŋ doreŋ. Suluu yé a buloo fidika, a ko saŋ ye: biriŋ a kúú koola kotoo, keeba leka waramabaa tàà, dindiŋo ye mesemaa. Tàà, ite maŋ sapi feŋ kaŋ fo waramaakaŋ wo mu niéle taali. Saŋ kayeŋ dii? Suluu ko haa! Saŋ yé julú ndiŋoo taa ate Suluu ye julubaa tàà. Saa ñiŋ a tuta julú saboola, saŋ folo ye a la juloo saba, a yaa saba niisoo finlitanəŋ. Suluu ko: ni Saŋ le tàà mu ñinti sako nte keebaa taa, a ye a la juloo saba bàà funtitanəŋ. Suluu ye, a ñaa kú yaa. Sa ñiŋ ye siloo muta, ibé seyla i yaa ye saatee kuŋ baŋ dorəŋ, Suluu ko saŋ yé:

— Muna baa siŋ saboo ka bori le baŋ?

Saŋ kaye: Hee, ntoolu la takaa boo dul a ŋ né ye baa siŋ saboo bayle fo nkori tala biriŋ ye wofó, Suluu yé ala baa siŋ kilij o forasi ka a béé nimi, a ye kulu kenseŋ le dii soŋ na wo fanaŋ ye wo fay a la bootoo Kono.

I tentenŋa ka tàà, konkooo ye Suluu muta Koteŋ, ako Saŋ yé:

— Muna baa siŋ fuloo ka taama nolee baŋ?

Saŋ ka yeŋ: ntoolu la ta kaa boo dúla ŋa baa siŋ fuloo baye jeele, bari maa mutanoo. Suluu yé a la baa siŋ.

Sabanjanŋoo fanaŋ faraasi ka ñimi. Aya ke wole ña ma, fo siŋ kilijoo muŋbe sonko naati tuta jée; biriŋ Suluu ya a maa dorəŋ baa yee laa a maŋ taano Koteŋ, a yaa ñimi. Ka kulu keŋ soŋo dii Saŋ na, wo fanaŋ se wo faye ala boto konoo. Biriŋ Suluu ye baa baŋ donmoola, a ko Saŋ ye: Ila niŋ niiso ñanŋaa falalee.

Saŋ kaye:

— Ntela niiso te fààla. A ko Saŋ yé wo nduŋ a kantoo la, Saŋ ka yé dii? A ko haa.

Saŋ kaye: ila kúú maŋ diyaa, saama ye taa tuŋ wuleŋoo múú na niisola ka fo ñe ŋa niiso faa. Ako saŋ haani nte wo kēla saŋ ya bula korée kantoola, ibe jee fo tuma jaŋ a be saŋ ñinandila lookuŋ kilij a nata taa wuloo kono fo lansaroo, niisi kantalaalu ka jii tembo muŋ na. Saŋ fanaŋ ko, faŋ ye:

— Nbatu ŋa táá koréeto, tombi nkoto. Suluu be niisoolu naati kaŋ koréeto.

Yaraŋ Suluu ye niiso múú tuŋ wuleŋ tuŋ wuleŋloola lee, a ñinata ka wo. Túloo Súkki, niiso naata wole ña-ama.

Suluu ko saŋ ye: Siio ka naa, siio ka naa a ye niiso bay niŋ semboola, Saŋ fanaŋ ye kiddo sikka a ko niiso ye: húú! Húú! Niiso loota, saŋ ko: Kotoo Suluu a fele ibe naa nduŋ na, na niiso faato. Súlúú kaye: nte isaranilee, ŋa ñiŋmuta sanarooleti. Ibe jée Súlúú ye Saŋ ñinandi koteŋ fo a meeta, aye niiso múú tuŋ, wuleŋloola koteŋ.

Ka a tuloolu niŋ a nuŋo súkki, a ye suwo bay ndi, biriŋ a futa saŋ ma; a kayé: Ndoo Saŋ! Siio naata! Siio naata! Saŋ ko niiso dameŋ: Huu! Niiso maŋ soŋ ka loo, piŋ! Saŋ ye a la niiso buŋ kiddoo la ka a faa, Suluu niŋ doŋo bota... Ndoo yala niiso faa, kantara laa taa tunkumé! Ndoo ye a la niiso fáá, moolu ye wúroo niŋ jéloo kumandaa ma a niŋ wo kontaanoo le sawuŋta ñooti.

Ye wo niiso le búsi, a ko Saŋ yé: Nko kantoraralaa le taamu tunkemeti? Saŋ kaye: Bisimilaay! saŋ ye a la niiso busi, ka ate Suluu la tunkeme diyaala, wo tunkeme jonki dú la a toota, a ko Saŋ ye: Na ñiŋ tunkeme jonki ñe.

Saŋ ye wo tunkeme muu beroola ka ana mininiŋ, Suluu taata sappi wa tunkeme birémaa le kaŋ, a yabula a daa kono ka a dētē parakate, fo a niŋ kilij katita a maŋ kuma fo Saŋ ye, a taata a la súwoto. A naata funtinaŋ ka a kuŋo dēte.

Saŋ kaye: Kotoo Suluu mune mu? I kuŋo fele ibe yitiriŋ, a ko saŋ ye.

— Dimaa té baŋ feŋti, wolaahi kunuŋ ye suboo miŋ diŋ na maa ñimi, i maa féé ntanka daŋoo béé bé yitiriŋ.

A ko Saŋ yé:

— Muna ite naa a jubela, fo a mootabaŋ.

Saŋ taata a féé ka abúloo bula Suluu daakono, rap! Suluu ye a daa sorəŋ Saŋ bulooti. Saŋ lilita a maŋ kana noo; suluu ko: Ye súboo dundi daameŋ taayo bondi naŋ, taa na suboo bondinaŋ. Suluu ko saŋ ye, ni maŋ taa na suboo bondinaŋ nte ibulala. Saŋ kaye ko: Toñaalemu ila suboo be mbulu lee Saŋ taata Suboo bondinaŋ a ya dii suluula.

Taaliŋ konkorondəŋ kōs.